

*Lög um heimild fyrir ríkisstjórnina til lántöku hjá efnahagssamvinnustjórninni í Washington, undirskrifuð af handhöfum forsetavaldsins sama dag, nr. 61.*

*Lög um breyting á lögum nr. 7 12. jan. 1945, um jarðræktar- og húsagerðarsamþykktir í sveitum, undirskrifuð af handhöfum forsetavaldsins sama dag, nr. 62.*

*Lög um heimild fyrir ríkisstjórnina til lánveitinga til Sogs- og Laxárvirkjana og til lántöku vegna sömu fyrirtækja, undirskrifuð af handhöfum forsetavaldsins sama dag, nr. 63.*

*Lög um breyting á lögum nr. 54 25. maí 1949, um Laxárvirkjunina, undirskrifuð af handhöfum forsetavaldsins sama dag, nr. 64.*

*Lög um bráðabirgðabreyting á lögum nr. 56/1927, um skemmtanaskatt og þjóðleikhús, o. fl., undirskrifuð af handhöfum forsetavaldsins sama dag, nr. 65.*

*Bráðabirgðalög um framkvæmd á viðskiptasamningi við Pólland, undirskrifuð af handhöfum forsetavaldsins 31. maí 1950, nr. 66.*

88

26. apríl

## REGLUGERÐ

fyrir sundlaugina að Laugalandi í Hörgárdal.

1. gr.

Eigendur sundlaugarinnar eru Glæsibæjar-, Arnarness-, Skriðu- og Öxnadalshreppar í Eyjafjarðarsýslu.

2. gr.

Sundlaugin skal rekin sem fjárhagslega sjálfstætt fyrirtæki undir nafninu „Sundlaugin að Laugalandi í Hörgárdal“.

3. gr.

Reksturinn er í höndum fimm manna sundlaugarstjórnar.

4. gr.

Sundlaugarstjórn er þannig skipuð: Hlutaðeigandi hreppsnefndir tilnefna sinn manninn hver, alls fjóra, en ungmennafélögin, sem starfa á svæðinu, hinn fimmta. Stjórnin kýs sér formann. Starfstími hennar er 4 ár og miðast við kjör hreppsnefnda hverju sinni.

Varamenn skulu eins kjörnir og jafnmargir.

5. gr.

Sundlaugarstjórnin ber ábyrgð á rekstri sundlaugarinnar. Hún skal halda nákvæma gerðabók um störf sín og starfrækslu eignarinnar.

6. gr.

Stjórnin skal árlega gera áætlun um rekstur sundlaugarinnar og leita ávallt samþykkis hlutaðeigandi hreppsnefnda til meiri háttar framkvæmda. Sömu aðilum sendist árlega endurskoðaður reikningur laugarinnar.

Tveir endurskoðendur skulu tilnefndir af hreppsnefnd Glæsibæjarhrepps.

Hlutverk sundlaugarstjórnar er m. a.:

- a. Að ráða niður námskeiðum vegna sundskyldu skólabarna og sjá um tilhögun þeirra.
- b. Að ráða starfsmenn við daglegan rekstur og ákveða afnotagjald.
- c. Að lána sundlaugina til sýninga og kappmóta.

- d. Að ákveða um viðhald eignarinnar og áhaldakaup.  
e. Að gera tillögur um endurbætur.

88

26. apríl

## 7. gr.

Ungmennafélögin á svæðinu sitja fyrir um notkun sundlaugarinnar, að barna-skólanum undanskildum.

## 8. gr.

Ræsting og viðhald skal vera samkvæmt fyrirmælum um rekstur og notkun sundstaða.

## 9. gr.

Reikningsár eignarinnar er almanaksárið.

## 10. gr.

Verði halli á rekstrinum, greiðist hann úr hreppssjóðum hlutaðeigandi hreppa, eftir hlutfalli, er miðast við íbúatölu hvers hrepps, eða eftir nánara samkomulagi.

Verði hins vegar ágóði af rekstrinum, skal honum varið til nauðsynlegra áhaldakaupa og endurbóta á eigninni.

## 11. gr.

Sundlaugarstjórn annast kaup á áhöldum og sé stofnunin eigandi þeirra.

Reglugerð þessi, sem samþykkt er af oddvitum Glæsibæjar-, Arnarness-, Skriðu- og Öxnadalshreppa í Eyjafjarðarsýslu, svo og byggingarnefnd sundlaugarinnar að Laugalandi í Hörgárdal, staðfestist hér með samkvæmt 9. gr. íþróttalaga nr. 25/1940, til þess að öðlast gildi nú þegar.

*Menntamálaráðuneytið, 26. apríl 1950.*

**Björn Ólafsson.**

*Birgir Thorlacius.*

## REGLUGERÐ

89

fyrir Sundhöll Ísafjarðar.

26. apríl

## 1. gr.

Eignin er rekin sem fjárhagslega sjálfstætt fyrirtæki undir nafninu Sundhöll Ísafjarðar.

## 2. gr.

Eigandi Sundhallar Ísafjarðar er bæjarsjóður Ísafjarðar.

## 3. gr.

Rekstur stofnunarinnar er í höndum bæjarstjórnar Ísafjarðar.

## 4. gr.

Halda skal sérstaka gerðabók um málefni stofnunarinnar.

## 5. gr.

Bæjarráð sér um rekstur stofnunarinnar fyrir hönd bæjarstjórnar Ísafjarðar og skulu tillögur þess leggjast fyrir bæjarstjórn. Árlega skal gerð áætlun um rekstur